

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 74 34 00, Fax: 00387 35 74 34 33, e-mail: opcina@banovici.gov.ba, Web: www.banovici.gov.ba

Broj:01-11-719/26-5

Datum: 31.03.2026. godine

Na osnovu člana 64. stav (1) tačka b), a u vezi sa članom. 89., člana 70. stavovi (1), (3) i (6) Zakona o javnim nabavkama (Službeni glasnik BiH broj: 39/14 i 59/22 i 50/24), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj: 35/05) člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06) člana 43. Statuta Općine Banovići (Službeni glasnik općine Banovići broj: 2/20) i Preporuke Komisije za javnu nabavku, broj: 01-11-719/26-4 od 30.03.2026. godine u postupku javne nabavke usluge: „Izvođenje radova na sanaciji asfaltnih površina na području općine Banovići“, Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku broj: 01-11-719/26-4 od 30.03.2026. godine i ugovor za nabavku radova: „Izvođenje radova na sanaciji asfaltnih površina na području općine Banovići“ dodjeljuje se ponuđaču „**RIAL-ŠPED“ d.o.o. Doboj Istok, sa sjedištem u ulici 4. Maj broj 8, Klokočnica, Doboj-Istok**, prema ponudi broj: 13/26 od 10.03.2026. godine za ukupnu ponuđenu cijenu od **91.000,00 KM** bez PDV-a kao ponuđaču čija je ponuda najpovoljnija u ovom predmetu javne nabavke.

Član 2.

Prijedlog Ugovora o nabavci radova dostavit će se na potpis izabranom ponuđaču iz člana 1. ove Odluke nakon dostavljanja dokumenata (originali ili ovjerene fotokopije) kojima dokazuje ispunjavanje uslova za kvalifikaciju kako je predviđeno tenderskim dokumentom tj. dokumenata kojima se potvrđuje izjava iz člana 45. Zakona o javnim nabavkama, a najkasnije u roku od 7 dana računajući od dana kada su svi ponuđači obaviješteni o izboru najpovoljnije ponude, pod uslovom dostave uredne dokumentacije iz člana 45. Zakona.

Rok za potpisivanje ugovora je 10 (deset) dana, računajući od dana prijema ugovora na potpis od strane izabranog ponuđača.

Član 4.

Ova Odluka stupa na snagu danom donošenja i objavit će se na internet stranici www.banovici.gov.ba istovremeno s upućivanjem i ostalim ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik Bosne i Hercegovine“, broj 39/14 i 59/22 i 50/24).

Obrazloženje

Odlukom o pokretanju postupka javne nabavke usluga broj: 01-11-719/26 od 26.02.2026. godine donesenom od strane ovog organa pokrenut je postupak javne nabavke usluge „Izvođenje radova na sanaciji asfaltnih površina na području općine Banovići“. Predmetna javna nabavka predviđena je Planom javnih nabavki općine Banovići za 2026. godinu, broj: 01-11-195/26 od 23.01.2026. godine, evidencijski broj 4.

Javna nabavka usluge sprovedena je putem otvorenog postupka za dostavu ponuda.

Procijenjena vrijednost javne nabavke bez PDV-a je 150.000,00 KM bez PDV-a.

Obavještenje o nabavci broj: 1220-1-3-17-3-45/26 od 27.02.2026. godine, objavljeno je na Portalu javnih nabavki dana 27.02.2026. godine.

Komisija za javne nabavke imenovana Rješenjem broj: 01-04-84/26 od 14.01.2026. godine, organu je dostavila dana 31.03.2026.god. Zapisnik o pregledu i ocjeni ponuda broj: 01-11-719/26-2 od 24.03.2026.godine, Zapisnik o pregledu i ocjeni ponuda (nastavak pregleda i ocjena ponuda od 24.03.2026. godine) broj: 01-11-719/26-3 od 30.03.2026.god. te Preporuku o izboru najpovoljnijeg ponuđača za nabavku usluge broj: 01-11-719/26-4 od 30.03.2026.godine u postupku javne nabavke radova „Izvođenje radova na sanaciji asfaltnih površina na području općine Banovići“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri) i to:

1. „RIAL-ŠPED“ d.o.o. Dobož Istok, sa sjedištem u ulici 4. Maj broj 8, Klokočnica, Dobož-Istok (datum predaje ponude 18.03.2026. godine; vrijeme predaje ponude 08:30h)
2. „SM TRANSKOKP“ d.o.o. Banovići, sa sjedištem u ulici Radnička bb Banovići ((datum predaje ponude 23.03.2026. godine; vrijeme predaje ponude 08:07h)
3. „JOJA – TRANSPORTI“ d.o.o. Živinice, sa sjedištem u ulici Magistralni put broj: 33, Živinice (datum predaje ponude 23.03.2026. godine; vrijeme predaje ponude 08:53h)

- da je blagovremeno zaprimljeno 3 (tri) ponude,

- da nema neblagovremenih ponuda,

- da je ponuda ponuđača „JOJA – TRANSPORTI“ d.o.o. Živinice, sa sjedištem u ulici Magistralni put broj: 33, Živinice, ocijenjena neprihvatljivom iz sljedećih razloga:

1. Ponuđač „JOJA-TRANSPORTI“ d.o.o. Živinice:

Ponuda ponuđača „JOJA-TRANSPORTI“ d.o.o. Živinice je odbijena iz razloga što ista nije u skladu sa tačkom 5.1. „ Garancija za ozbiljnost ponude“ tenderske dokumentacije odnosno tačnije Garancija za ozbiljnost ponude na strani 37. ponude navedenog ponuđača nije uvezana i zapakovana na odgovarajući način odnosno kako je propisano tenderskom dokumentacijom niti je u dovoljnoj mjeri osigurana u skladu sa Pravilnikom o formi garancije za ozbiljnost ponude i izvršenje ugovora (Sl.glasnik BiH 90/14). U tenderskoj dokumentaciji u tački 5.1 između ostalog se nalazi „ Garancija za ponudu se dostavlja na sljedeći način:

- Originalna bankarska garancija se pakuje u plastičnu foliju koja se na vrhu zatvori naljepnicom na koju se stavlja pečat ponuđača ili se otvor na foliji zatvori jemstvenikom, a na mjesto vezivanja zalijepi naljepnica i otisne pečat ponuđača,

- Plastična folija u kojoj je originalna bankarska garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude,

- Ukoliko garancija za ponudu nije dostavljena na propisani način, shodno naprijed navedenom, ugovorni organ će takvu ponudu odbaciti.
Postupanje sa garancijom za ponudu vršit će se u skladu sa Pravilnikom o formi garancije za ozbiljnost ponude i izvršenje ugovora („Službeni glasnik BiH“ broj: 90/14)."

Uvidom u ponudu ponuđača ovaj organ je utvrdio da je isti u ponudi dostavio bankarsku garanciju u plastičnoj foliji, te da je na vrhu folija zalijepljena naljepnicom okruglog oblika u okviru koje se nalazi oslikan pečat ponuđača. Dakle, na naljepnicu nije stavljen originalan pečat ponuđača koji se koristi u pravnom prometu, kako je to urađeno u drugim dijelovima ponude u kojima se pečat zahtjeva. Članom 3. stav (1) Pravilnika o obliku garancije za ozbiljnost ponude i izvršenje ugovora („Službeni glasnik BiH“, broj 90/14) propisano je da se garancija za ozbiljnost ponude dostavlja u originalu, u zatvorenoj plastičnoj foliji koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jemstvenikom, a na mjesto vezivanja zalijepi naljepnica i otisne pečat ponuđača i uvezano u cjelini čini sastavni dio ponude. Kako je nesporno da se na foliji nalazi naljepnica, ali da na istoj nije stavljen pečat ponuđača kako to propisuje Pravilnik, te kako je zatraženo Tenderskom dokumentacijom, ovaj organ smatra da ista nije dostavljena na način propisan Pravilnikom i TD. Pregledom iste također smo utvrdili da se garancija ipak neometano može bezbroj puta vaditi i vraćati u plastičnu foliju tako što bi se unutar folije mogao presaviti list bankovne garancije i izvaditi kroz otvore folije pored naljepnice, a da se pri tome navedena naljepnica ne odljepljuje što ostavlja prostor za malverzaciju. Naime, ponuđač na plastičnoj foliji prilikom pakiranja garancije nije ni otisnuo pečat jednim dijelom na naljepnicu a drugim na foliju tako nije u dovoljnoj mjeri osigurana bankovna garancija u skladu sa Pravilnikom o formi garancije za ozbiljnost ponude i izvršenje ugovora pa samim time nije ni ispoštovan propisani način dostavljanja garancije.

Ponuda je NEPRAVILNA – nije u skladu sa tenderskom dokumentacijom.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispijelih ponuda, shodno kriterijima iz Tenderske dokumentacije.

Kako je u predmetnoj javnoj nabavci predviđena primjena e-aukcije ista je održana 30.03.2026. godine.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterijum najniže cijene, koja je ponuđena nakon završene e-aukcije u iznosu od 91.000,00 KM bez PDV-a.


Iz navedenih razloga, primjenom člana 64. stav (1) tačka b) Zakona o javnim nabavkama, te članom 9. stav (2) Pravilnika o načinu i uslovima korištenja e-aukcije (Službeni glasnik BiH 66/16) odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića broj 1. 75290 Banovići.

DOSTAVITI:

1x Svim ponuđačima koji su učestvovali
u postupku JN,
1x U spis predmeta.

**OPĆINSKI NAČELNIK**
dr.sc. Mehmed Hasanović, dipl.inž.maš.

